

REPUBLIKA Y'U RWANDA

Gatsibo, Kuwa 04/01/2017
Ref No Njy *124*../07.05.03/09.



INTARA Y'IBURASIRAZUBA
INAMA NJYANAMA Y'AKARERE KA GATSIBO

AKARERE KA GATSIBO

gatsibodistrict@gatsibo.gov.rw

Eastern Province
For reception
Date 08 FEB 2017
Signature *[Handwritten Signature]*

GATSIBO DISTRICT
Reception
Date : 08 FEB 2017
Signature : *[Handwritten Signature]*

Madamu Guverineri w'Intara y'Iburasirazuba

Rwamagana.

Impamvu: Kubagezaho imyanzuro y'inama idasanze y'Inama Njyanama.

Madamu Guverineri,

Nejewe no kubandikira ngirango mbagezeho, ku mugereka w'iyi buruwa inyandikomvugo y'inama idasanze y'Inama Njyanama y'Akarere ka Gatsibo yateranwe kuwa kabiri tariki ya 31/01/2017.

Mugire amahoro.

[Handwritten Signature]

RUKEMANGANIZI Cyprien

Umuyobozi w'Inama Njyanama y'Akarere ka **Gatsibo.**

Bimeneshejwe:

- Nyakubahwa Minisitiri w'Ubutegetsi bw'Igihugu

KIGALI.

- Bwana Umuyobozi w'Akarere ka Gatsibo.

GATSIBO



MINALOC
Pour réception
Date. 08 FEB 2017
Signature *[Handwritten Signature]*

**IMYANZURO Y'INAMA IDASANZWE Y'INAMA NJYANAMA Y'AKARERE
KA GATSIBO YATERANYE KUWA KABIRI TARIKI YA 31/01/2017**

Inama idasanzwe y'Inama Njyanama y'Akarere ka Gatsibo yateraniye ku cyicaro cy'Akarere kuwa kabiri tariki ya 31/01/2017, iyobowe n'Umuyobozi wungirije w'Inama Njyanama Bwana RUTAYISIRE K. Wilson kubera ko Umuyobozi yari mu butumwa bw'akazi;

Inama yatangiye imirimo yayo saa tatu n'iminota mirongo itanu(9H50) hari Abajyanama 26 kuri 29 bagize Inama Njyanama y'Akarere; yitabiriwe n'Abayobozi b'Inama Njyanama n'Abanyamabanga Nshingwabikorwa b'Imirenge yose igize Akarere ka Gatsibo bari batumiwe.

Ku murongo w'ibyigwa hateganyijwe ingingo zikurikira:

1. Kwemeza ingengo y'imari ivuguruye y'Akarere ka Gatsibo y'umwaka wa 2016-2017;
2. Kwemeza gahunda ivuguruye y'itangwa ry'amasoko y'Akarere mu mwaka w'ingengo y'imari wa 2016-2017;
3. Gusuzuma raporo ya Komisiyo adhoc yashyiriweho ikibazo cya NDAYAMBAJE Aloys.

1. KWEMEZA INGENGO Y'IMARI IVUGURUYE Y'AKARERE KA GATSIBO

Y'UMWAKA WA 2016-2017;

Perezida wa Komisiyo y'imari n'iterambere ry'ubukungu yagejeje ku Nama Njyanama, umushinga w'ingengo y'imari ivuguruye y'Akarere y'umwaka wa 2016-2017, maze imaze kuwunguranaho ibitekerezo, ifata imyanzuro ikurikira:

3.1 Inama Njyanama mu bwumvikane busesuye, yemeje ingengo y'imari ivuguruye y'Akarere ka Gatsibo y'umwaka wa 2016-2017, ingana n'amafaranga y'u Rwanda **Miliyari cumi n'enye miliyoni magana abiri mirongo ine n'ebiyiri ibihumbi magana arindwi mirongo itatu na kimwe n'ijana mirongo itandatu n'ane (14,242,731,164 Frw)** ivuye kuri Miliyari cumi n'eshatu miliyoni mirongo cyenda n'umunani ibihumbi magana atandatu mirongo itandatu na bibiri magana arindwi mirongo irindwi n'umunani **(13,098,662,778 Frw)** yari yatowe mu nama yayo yateranye tariki ya 30/06/2017.

3.2 Inama Njyanama yemeje ko ingengo y'imari igabanije mu bice bikurikira:



[Handwritten signature]

2. KWEMEZA GAHUNDA IVUGURUYE Y'ITANGWA RY'AMASOKO Y'AKARERE MU MWAKA W'INGENGO Y'IMARI WA 2016-2017;

Inama Njyanama imaze kugezwaho imiterere y'amasoko y'Akarere (Procurement Plan) yari yemejwe mbere na gahunda ivuguruye yayo, yemeje mu bwumvikane busesuye amasoko mirongo itanu na rimwe (51) ateganyijwe mu mwaka w'ingengo y'imari 2016-2017.

3. GUSUZUMA RAPORO YA KOMISIYO ADHOC YASHYIRIWEHO IKIBAZO CYA NDAYAMBAJE ALOYS.

Inama Njyanama yakiriye raporo yagejejweho na Perezida wa Komisiyo idasanze yashyizweho n'inama isanzwe y'Inama Njyanama yateranye tariki ya 30/12/2016, hashingiwe ku ibaruwa N° OMB/3.03/2513/12.16/GCM yo kuwa 10/12/2016, Umuvunyi Mukuru yandikiye Umuyobozi w'Inama Njyanama amusaba kongera gusuzuma ikibazo kijyanye n'ubutaka bwa NDAYAMBAJE Aloys, bwahawe BITWAYIKI André ho ingurane ku bwe bwubatswemo Umudugudu wa Rwagitima.

3.1 Inama Njyanama yashimye uburyo Komisiyo idasanze yakoresheje kugira ngo imenye ukuri ku kibazo kuko yagiranye imishyikirano na Ndayambaje Aloys ubwe n'abagize umuryango we, abaturanyi na bamwe mu bari bagize Komite y'isaranganya;

Inama Njyanama yasanze harimo ibintu bibiri by'ingenzi bikwiye kwitabwaho:

1. Isambu Ndayambaje Aloys aregera ayita iye akavuga ko yatwawe na Bitwayiki André, atari ukuri kuko yasaranganyijwe imiryango itatu harimo uwa Bitwayiki André, uwa Cyondo Peter n'uwa Gatera ufite umugore witwa Mukarushema;
2. Kuba hakubahirizwa ibyakozwe na Komite yari ishinze gusaranganya ubutaka kuko yakurikije amabwiriza yariho yagengaga isaranganya;

3.2 Inama Njyanama yasabye Umuyobozi w'Inama Njyanama gusubiza Umuvunyi Mukuru ashingiye ku byagaragajwe kandi ku ibaruwa ye akomekaho inyandikomvugo ya Komisiyo idasanze yashyiriweho ikibazo cya Bwana Ndayambaje Aloys;

3.3 Inama Njyanama yasabye Abajyanama kujya baba hafi y'Abayobozi b'inzego z'ibanze mu rwego rwo kubafasha mw'ikemurwa ry'ibibazo zikunda guhura nabyo.

Umwanditsi w'inama



YANKURIJE Marie Goretti

Umunyamabanga w'Inama Njyanama

Umuyobozi w'inama



RUTAYISIRE K. Wilson

Umuyobozi wungirije w'Inama Njyanama

